

Sakspapir

Saksnr	Utvalg	Type	Dato
061/20	Kommunestyret	PS	18.06.2020

Saksbehandler	Arkiv	ArkivsakID
Ketil Tjore	FE-033	20/4260

Meldingar

Underliggende saker

Saksnummer	Tittel
061/20.1	Høyring og offentlig ettersyn - utviklingsplan for Vestland 2020-2024
061/20.2	Årsrapport frå Visit Bergen - prosjekt Region Bergen
061/20.3	Invitasjon til å kome med høyringsinnspel til planprogrammet for Regional transportplan 2022 - 2033 for Vestland - innspel til uttale frå Regionrådet
061/20.4	Innkalling til representantskapsmøte 09.06.2020 - NGIR
061/20.5	Melding til kommunestyret, status verbalpunkt frå budsjettmøtet 12.12.19

Framlegg til vedtak:

Meldingane vert tekne til orientering

Kommunestyret - 061/20 - 18.06.2020

KS - behandling:

Skatteoppkrevjar Bjarne Ve Sæbø tok ein gjennomgang av reglane for startlån, som er for dei som ikkje får lån i vanleg bank, med prioritering av barnefamiliar/ dei med helseutfordringar. Når det gjeld tap, så er kommunen til sist ansvarleg for dei siste 25 prosent av tapet. Resten er ordna via tapsfondet til Husbanken.

Marita Bru (Bygdelista) spurte om kan få startlån for å unngå å mista huset. Bjarne svara at ein kan refinansiera banklån med startlån, og gje lang nedbetalingstid og periodar utan avdrag.

Ordførar Per Lerøy viste til at Husbanken reknar med 0,008 tap på sine startlån.

Monika Thorpe (Ap) spurte om kven som handsamar og evt. gjev avslag på startlån, er det kommunen eller Husbanken? Bjarne Sæbø svara at det er kommunen som sakshandsamar på

Husbanken sine reglar.

Aslak Bakke (H) spurte om ordninga er mykje brukt. Sæbø svara at det er den, men sidan Austrheim er på Robek-lista er det avgrensa kor mykje ein kan låna av Husbanken.

Inger Lise Brekke (H) om det er mange som får nei på grunn av at det no er tomt for pengar. Sæbø svara at det er ulike grunnar for avslag, ikkje berre at det no er tomt for pengar.

Skatteoppkrevjar Bjarne Sæbø viste presentasjon over moglege skatteinntekter ved nyttilflyttingar (ligg ved).

Aslak Bakke (H) spurte om kommunen er flink nok til å leggja til rette for nyetableringar av bedrifter. Er betre tilrettelagt i Alver-sida på Mongstad, med vatn med meir. Oppfordra til å satsa meir på næringsutvikling i kommunen.

Rådmann Liv Løvvik sa at det ikkje berre er det at innbyggjarar skal komma, men må skapa eit miljø for at dei skal bli også.

Marita Bru (Bygdelista) sa at ein må tenkja på å vidareutvikla det ein har, kva profil skal kommunen ha. Tenkja heilskapleg med miljøprofil og korleis ein skal framstå.

Aslak Bakke (H) sa at han er samd i miljøprofil, men må dra med seg lokale leverandørar og selja inn dette.

Rådmann Løvvik viste til at Os kommune lukkast med å stilla med nøkkelferdige kontor. Utfordringa for Austrheim er at ein må selja for 20 millionar for å bygga opp disposisjonsfond, før ein brukar midlar. Ligg til rette for å bruka naturen, men bruka med fornuft.

Per Lerøy viste til at ein i Sløvåg har lukkast med å sitja fleire bedrifter saman, og har utvikla gode næringsidear.

Aslak Bakke (H) spurte om sjukemeldingstal.

Kommunalsjef Odd Harald Dommersnes svara at ein skal rapportera på dette til kommunestyret framover. Ser så langt at skulane har veldig lågt sjukefråvær.

Kommunalsjef Bjørnar Fjellhaug svara Marita Bru (Bygdelista) på spørsmål om barnehage (spørsmål og svar ligg ved møteboka).

Rådmann Liv Løvvik svara Marita Bru (Bygdelista) på spørsmål om utvalsmodell, og sa at administrasjonen ikkje har sett på dette enno. Kan eventuelt vera mest aktuelt for planfeltet. (Spørsmål ligg ved møteboka).

Ordførar Per Lerøy (Ap) viste til Opprop om vindkraft, eit innspel som kom denne veka kommunestyret var. Lerøy sa at det er viktig at kommunane må bli høyrte i desse sakene, ein ser at mellom anna Gulen og Tysvær er opprørt over korleis dei vert handsama. Fleire kommunar seier at dei ikkje vil ha dette tredd nedover hovudet. Folk reagerer på at ein seier nei lokalt, men så kjem det vindkraft likevel.

Riktig å gje denne støtta til nabokommunane våre Alver og Gulen.

Marita Bru (Bygdelista) sa at Alver har ikkje vedtak på dette med vindkraft, men dei tre tidlegare kommunane i Alver har vedtak på dette frå før samanslåinga. Synest at Austrheim godt kan støtta naboane tydelegare på dette.

Semje i kommunestyret om å støtta oppropet.

Handsaming i kommunestyret:

Rådmannen sitt framlegg vert samrøystes vedteke

KS - vedtak:

Meldingane vert tekne til orientering

Saksopplysninger: